

SCRIPT OF MORNING GOJRI NEWS BULLETIN 1APRIL 2025

1015HRS

مارننگ گوجری نیوز بولیٹن 1 اپریل 2025

یوہ آکاشوانی جموں ہے محمد اکرم تیں خبر سُنو۔

PM BIMSTEC

کشید تحکیک تے اقتصادی تعاون خاطر بی آئی ایم ایس ٹی ای سی گا رُکن مالک گا سربراہ تے حکومتاں گو ۶ ووں سربرائی اجلاس ۴ اپریل تے تھائی لینڈ گا شہر بنکاک مانہہون آلو ہے اس اجلاس گو موضوع خوشحال تے لچکدار تے کھلو ہے وزیر اعظم نریندر مودی چوٹی کانفرنس مانہہ شرکت واسطے ترے اپریل نانہہ تھائی لینڈ گا دو روزہ دورہ ور روانہ ہو رہا ہیں۔ سربرائی اجلاس گو مقصد مشترکہ سلامتی تے ترقیاتی للکاراں نال نمژن واسطے رُکن ممالک گے درمیان تعاون نانہہ فروغ دینو ہے یا کانفرنس ایک خوشحال لچکدار تے کھلا گا ہدف نانہہ حاصل کرن واسطے جاری کوششاں نانہہ ایک نویں تحریک فراہم کرے گی۔ تے نال ہی یو اجلاس علاقائی تعاون نانہہ فروغ دین غا اہم کردار نانہہ مزید تقویت دے گو تانجے رُکن ممالک اپنی مشترکہ سلامتی تے پائیدار ترقی گی للکاراں نال نمژن گے قابل ہو سکیں ضلیض بنگال گا ۷ مملک ور مشتمل ہے جس مانہہ بنگلہ دیش بھوٹان بھارت میانمار نیپال شریلنکا تے تھائی لینڈ شامل ہیں۔

SHAH JK VISIT

مرکزی وزیر داخلہ امت شاہ اس مہینہ گی ۷ تے ۸ تاریخ نانہہ جموں و کشمیر گو دور وکرسکیں اس دوران وے اعلیٰ سطح گی حفاظت صورتحال گی جائیزہ میٹنگ کردیں گا۔ جس مانہہ وے بینل العوامی سرحد گو دورو وی کریں گا تے نال نال کٹھوعہ مانہہ حالیہ تسادم دوران شہید ہون آلا پولیس گا جواناں گے گھر وی جیں گا حالانکہ وزیر داخلہ گا جموں کشمیر دورہ گے متعلق تفصیل تے تاریخ نانہہ آئیندہ گُج دناں توڑی حتمی شکل دے گے شائع کیو جے گو واضع رہ جے وزیر داخلہ گو یوہ دورو ضلع کٹھوعہ گا راج باغ علاقہ گا سافیہ جالوکا مانہہ شدید جھڑپ گا تناظر مانہہ ہو رہیو ہے جس مانہہ ۲ دہشت گرد ہلاک تے ۴ فوجی جوان شہید ہوا تھا۔ اس مہینہ گی ۹۱ تاریخ نانہہ وزیر اعظم نریندر مودی کٹڑہ توں وادی کشمیر نانہہ جان آلی ریل گڈی نانہہ ہری جھنڈی دس غے روانہ کریں گا تے اس سلسلہ مانہہ ریلوے ٹریک تے ریلوے سٹیشناں گی حفاظت حفاظتی ایجنسیاں واسطے ایک بڑو کم بن گیو ہے۔

KATHUA OP

حفاظتی دستاں گی گزشتہ روز دیر رات کٹھوعہ ضلع غا پنجتر تھی علاقہ مانہہ گھاٹی تے بیلور غے درمیان پہاڑیاں مانہہ ترے فرار دہشت گرداں غے نال جھڑپ ہوئی جس غا نتیجہ مانہہ شدید گولی باری ہوئی۔ حکام غے مطابق یہ جھڑپ تقریباً ۰۴ منٹ توڑی جاری رہی جس تیں بعد فائرنگ رُک گئی تاہماج سرگی ویلے علاقہ مانہہ دوبارہ تلاشی مہم شروع کردتی گئی۔ تے جموں کشمیر پولیس نے ایک خاندان غ ۶۱ افراد جس مانہہ ۴ خواتین شامل ہیں نانہہ گرفتار کیو ہے ان ور گزشتہ ہفتہ غا کٹھوعہ حملہ مانہہ ملوث دہشت گرداں غی مدد کرن گو الزام ہے جس مانہہ چار پولیس اہلکار شہید ہوا تھا۔ زرائع غے مطابق گرفتار افراد ایک یاسہ شخص غا رشتہ دار ہیں جہیرو پہلاں ہی تیں جیل مانہہ ہے تے دہشت گرداں غی مدد کرے تھو۔ اس ور

الزام ہے کہ اُس نے گزشتہ سال کٹھوعہ گا بڈنوت گراں مانہ ایک فوجی قافلہ ور ح، لہ کرن آلا دہشت گردان نانہ سہولت فراہم کی تھی جس مانہ پنج فوجی شہید ہوا تھا۔ حفاظتی اہلکار ۳۲ مارچ تیں ان دہشت گردان غی تلاش مانہ تھا جہیڑا مبینہ طور ور ہیرا نگر سیکٹر غا سنپال گراں مانہ بین العقوامی سرحد پار کر غے داخل ہوا تھا۔ گرفتار ہوا افراد ور الزام ہے جے اُنہاں نے دہشت گردان نانہ جکھوال گراں غے نیڑے جنگل آلے پاسے نسن مانہ مدد کی تھی۔

FREE BUS SERVICE

وزیر اعلیٰ عمر عبداللہ جموں کشمیر غی خواتین واسطے خصوصی مفت بس سروس شروع کرن جارہیو ہے اس سروس غو باضابطہ افتتاح اج تیں دن غے ڈھائی بجے ایس کے آئی سی سی سرینگر مانہ وے گورنر اعلیٰ غ ادفتر تیں جاری سرکاری بیانغے مطابق اس قدمغو مقصد خواتین واسطے محفوظ تے آسان سفر غی سہولت فراہم کرنو ہے۔ یاہ سہولت کم کرن آلی خواتین طلبہ تے دیگر مسافراں واسطے فائدہ مند ثابت وے غی۔ انتظامیہ تے تمام متعلقہ محکمان نانہ ہدایت دتی ہے کہ اس تقریب غی کامیابی واسطے مکمل تعاون تے رابطہ نانہ یقینی بناویں۔

WAQF BOARD

مرکزی وزیر برائے اقلیتی امور کیرن ریجیجو نے تمام سیاسی جماعتاں تیں اپیل کی ہے کہ وقف ترمیمی بل ور تفصیلی بحث مانہ حسو لیں جد یوہ پارلیمان مانہ پیش کیو جے غو نوی دہلی مانہ ذرائع ابلاغ نال گل کرتا واں ریجیجو نے کہیو کہ یوہ بل مکمل طور ور تیار ہے لیکن گجھ لوک اس بارا مانہ غلط افوح پھیلاں غی کوشش کر رہیا ہیں۔ جہیرو معاشرہ تے ملک واسطے نقصان دہ ہے اُنہاں نے کہیو کہ عوامانہ اس طرح گمراہ کرن غی کوشش قابلِ مذمت ہے ریجیجو غے مطابق اس بل ور ہُن توڑی سب تیں وسیع مشاورت کی گئی ہے تے جائینٹ پارلیمانی کمیٹی نے اس ور تفصیل تیں تمام شراکت داراں غے نال مشاورت کی ہے۔

BLANKETS DISTRIBUTION

پسماندہ طبقات کی امداد کرتا واں بھارتی فوج نے سموٹ راجوری مانہ کیسری پہاڑی گا گھر بکروال نانہ کُنبل تقسیم کیا ہیں گجر نکروال برادری جہیڑی اپنا خانہ بدوش طرز زندگی واسطے جانی جے اکثر ایک جگہ توں دوجی جگہ سفر گے دوران شدید ٹھنڈ غو سامنو کریں اس فلاحی امداد گو مقصد موسمی حالات گو سامنو کرن آلا باشندان نانہ راحت فراہم کرنو ہے۔ تے نال ہی اُن کی فلاح و بہبود نانہ یقینی بنانو ہے۔ اس طرح کی کوشش فوج تے مقامی برادریاں گے درمیان ڈونگا راستہ نانہ مضبوط کریں۔ تے نال نال سماجی ہم آہنگی تے شمولیت کی حوصلہ افزائی کرتاں واں اعتماد تعاون تے باہمی احتراح نانہ فروغ دیں۔
